

flut kome/die alles fleisch verderbe. Darumb sol mein Bogen in den wolcken sein/das ich in ansehe/ vnd gedencke an den ewigen Bund zwischen Gott vnd allem lebendigen Thier in allem fleisch / das auff Erden ist. Dasselb saget Gott auch zu Noah/ Dis sey das Zeichen des Bunds/den ich auffgerichtet habe zwischen Mir vnd allem fleisch auff Erden. *eee fimb.*

Noah **Söhne.** **D**IE söne Noah/die aus dem Kasten giengen/sind diese/ Sem/Ham/Japheth/Ham aber ist der Vater Canaan. Das sind die drey söne Noah / von denen ist alles Land besetzt.

Noah **truncken.** **N**oah aber sieng an vnd ward ein Ackerman / vnd pflanzte Weinberge. Vnd da er des Weins tranck / ward er truncken / vnd lag in der hütten auffgedeckt. Da nu Ham/ Canaans vater/ sahe seines Vaters scham / saget ers seinen beiden Brüdern draussen. Da nam Sem vnd Japheth ein Kleid/ vnd legten es auff ire beide schulder / vnd giengen rücklings hin zu / vnd deckten ires Vaters scham zu / Vnd ir angesicht war abgewand/ das sie ires Vaters scham nicht sahen.

*Noah aich
est fimb
truncken
Noah*

Fluch **über Canaan.** **A**LS nu Noah erwacht von seinem Wein / vnd erfur / was im sein kleiner son gethan hatte / sprach er / Verflucht sey Canaan / vnd sey ein Knecht aller knecht vnter seinen Brüdern. Vnd sprach weiter / Gelobet sey Gott der HERR des Sems / Vnd Canaan sey sein Knecht. Gott breite Japheth aus / vnd las in wonen in den hütten des Sems / Vnd Canaan sey sein Knecht.

Noah **alter.** **N**oah aber lebet nach der Sündflut drey hundert vnd funffzig jar / Das sein ganz Alter ward / neuhundert vnd funffzig jar / Vnd starb.

X.

Japheths **Geschlecht.** **D**IES ist das Geschlecht der kinder Noah / Sem / Ham / Japheth / Vnd sie zeugeten Kinder nach der Sündflut. Die kinder Japheth sind diese / Gomer / Magog / Madai / Jauan / Thubal / Mesech / vnd Thiras. Aber die kinder von Gomer sind diese / Ascenas / Riphath / vnd Thogarma. Die kinder von Jauan sind diese / Elisa / Tharsis / Rithim / vnd Dodanim. Von diesen sind ausgebreitet die Insulen der Heiden in iren Lendern / jgliche nach irer Sprach / Geschlecht vnd Leuten.

HAMS **Geschlecht.** **D**IE kinder von Ham sind diese / Chus / Mizraim / Put / vnd Canaan. Aber die kinder von Chus / sind diese / Seba / Henila / Sabtha / Raema / vnd Sabtecha. Aber die kinder von Raema sind diese / Scheba vnd Dedan. Chus aber zeuget den Nimrod / Der sieng an ein gewaltiger Herr zu sein auff Erden Vnd war ein gewaltiger Jeger für dem HERRN / Da her spricht man / Das ist ein gewaltiger Jeger für dem HERRN / wie Nimrod. Vnd der anfang seins Reichs war / Babel / Erech / Acad vnd Chalne im land Sinear. Von dem Land ist darnach komen der Assur / vnd bauete Ninue vnd Rehoboth Ir vnd Calah / dazu Kessen zwischen Ninue vnd Calah / Dis ist eine grosse Stad. Mizraim zeuget Ludim / Anamim / Leabim / Naphthumim / Pathrusim / vnd Casluhim / Von dannen sind komen die Philistin vnd Caphthorim.

*Sem
Ham
Japheth*

*Nimrod
Jesualthim
firdm
Lud*

CANAAN **niter.** **C**anaan aber zeuget Zidon seinen ersten son / vnd Heth / Jebusi / Emori / Girgosi / Hini / Arki / Sini / Aruadi / Semari / vnd Hamathi. Da her sind ausgebreitet die Geschlecht der Cananiter. Vnd ire Grenze waren von Zidon an / durch Gerar / bis gen Gasa / bis man kompt gen Sodoma / Gomorra / Adama / Seboim / vnd bis gen Lasa. Das sind die kinder Ham in iren Geschlechten / Sprachen / Lendern / vnd Leuten.

Sems **Geschlecht.** **S**em aber / Japheths des grössern Bruder / zeuget auch Kinder / der ein Vater ist aller kinder von Eber. Vnd dis sind seine Kinder / Elam / Assur / Arphachsad / Lud vnd Aram. Die kinder aber von Aram sind diese / Uz / Hul /